

Na osnovu člana 87. i člana 90. Zakona o javnim nabavkama Bosne i Hercegovine ("Službeni glasnik BiH", br. 39/14) te člana 8. Pravilnika o postupku direktnog sporazuma Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu broj: 01-01-2437/18 od 04.12.2018. godine, nakon provedenog postupka direktnog sporazuma, zaključuje se

UGOVOR **o nabavci revizorskih usluga**

između:

1. JU KS Zavod za zdravstvenu zaštitu studenata Univerziteta u Sarajevu, Ulica Patriotske lige broj 36, koju zastupa direktor dr.sci.med. Žana Pozderac-Jahović, primarijus, specijalista interne medicine subspecijalista kardiolog **(u daljem tekstu: Naručilac)**

i

2. Bilans d.o.o. Sarajevo, Ulica Ljubljanska broj 16A, Sarajevo koju zastupa direktor Lejla Čaušević **(u daljem tekstu: Izvršilac)**

PREDMET UGOVORA I CIJENA

Član 1.

Predmet ovog Ugovora je nabavka - **revizorske usluge** za potrebe Zavoda, a koje će Izvršilac isporučivati Naručiocu prema odredbama ovog Ugovora na osnovu ponude koja je sastavni dio ugovora. Cijena predmetne nabavke iznosi **3.500,00 KM bez PDV.**

Član 2.

Sastavni dio ovog Ugovora je ponuda Ponuđača za reviziju finansijskih izvještaja na dan 31.12.2018. godine dostavljena po zahtjevu Naručioca za dostavu ponuda.

ROK IZVRŠENJA USLUGE

Član 3.

- (1) Izvršilac se obavezuje da će usluge izvršiti **najkasnije do 25.02.2019. godine.**
- (2) Za mjesto isporuke predmetne nabavke ugovara se adresa Naručioca, Patriotske lige broj 36, Sarajevo.

OBAVEZE UGOVORNIH STRANA

Član 4.

- (1) Izvršilac se obavezuje da usluge fakturiše u ugovorenim rokovima.
- (2) Izvršilac se obavezuje na nepromjenljivost ponuđenih cijena za ugovorene usluge tokom cijelog ugovornog perioda.
- (3) Izvršilac se obavezuje da će isporuku usluge izvršiti u skladu sa zahtjevom Naručioca i da će odmah postupiti po eventualnim primjedbama, u pogledu nedostataka na ime kvaliteta izvršene nabavke.
- (4) Naručilac je dužan da dostavi pisano obavještenje o svakom navodnom propustu Izvršioca po ovom Ugovoru.
- (5) Naručilac će utvrditi razuman rok za ispravku propusta Izvršioca u smislu izvršene isporuke.
- (6) U slučaju eventualnih primjedbi Naručioca na kvalitet i količinu isporučene robe, Naručilac može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

USLOVI I NAČIN PLAĆANJA

Član 5.

(1) Plaćanje će se vršiti u skladu sa ponudom, odnosno 50% nakon potpisivanja ugovora, a ostatak nakon izrade izvještaja o izvršenoj reviziji i ispostavljennoj fakturi.

STUPANJE UGOVORA NA SNAGU

Član 6.

Predmetni Ugovor stupa na snagu od dana potpisivanja obje ugovorne strane i zaključuje se na određeno vrijeme.

RASKID UGOVORA

Član 7.

Svaka od ugovornih strana može otkazati ovaj Ugovor, pisanim putem, uz otkazni rok od 15 (petnaest) dana. Ukoliko je do raskida Ugovora došlo krivicom jedne ugovorne strane, druga strana ima pravo na naknadu štete i izmakle dobiti po općim pravilima obligacionog prava. Izjava o raskidu ugovora ima učinak jedino ako je o njoj pisano obaviještena druga strana.

RJEŠAVANJE SPOROVA

Član 8.

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

PRELAZNE I ZAVRŠNE ODREDBE

Član 9.

Na ostala prava i obaveze ugovornih strana, koje nisu regulisane ovim Ugovorom, primjenjivati će se odredbe Zakona o obligacionim odnosima.

Član 10.

Odredbe ovog Ugovora ne mogu se mijenjati nakon njegovog zaključenja.

Član 11.

Ovaj Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka za vlastite potrebe.

Za Izvršioca:

Lejla Čaušević, direktor




Broj:
Datum,



Za Naručioca:

direktor dr.sci.med. Žana Pozderac-Jahović,
primarijus, specijalista interne medicine
subspecijalista kardiolog



Broj: 03-02-445/19
Datum, 19.02.2019. godine

